

BOSNA I HERCEGOVINA
REPUBLIKA SRPSKA
OKRUŽNO JAVNO TUŽILAŠTVO U DOBOJU
Broj: T15 0 KTPO 0040344 24
Doboj, 03.08.2026. godine

Potvrđena 24.08.2026.g.

OSNOVNI SUD U MODRIČI
-Sudiji za prethodno saslušanje-

Na osnovu člana 43. stav 2. tačka ž) u vezi sa članom 241. stav 1. i člana 358. Zakona o krivičnom postupku Republike Srpske, (*„Službeni glasnik Republike Srpske“*, broj 53/2012, 91/2017, 66/2018 i 15/2021), p o d i ž e m

O P T U Ź N I C U

PROTIV:

1. B.H.
2. T.S.
3. K.B.
4. V.S.
5. S.D.
6. R.N.

ŠTO SU:

U vremenskom periodu od 01.01.2024. godine do početka decembra 2024. godine, u Modriči, kao zaposlenici E...- E... Namještaj s.p., vlasništvo oštećenog O.E., kojim su kao radnicima za vrijeme obavljanja radnih zadataka bili povjereni ugradbeni dijelovi i repromaterijali potrebni za ugradnju namještaja po mjeri, i to ugradbeni frižideri, ugradbene mikrovalne peći, ugradbene pećnice, pećnice, ugradbene plate za kuhanje, ugradbene perilice, teleskopske nape, ugradbeni sudoperi i česme, te šarke, ručke, apoteke, vodilice, klizači, i šarafī, u namjeri protivpravnog prisvajanja tuđih pokretnih stvari, u više navrata u navedenom vremenskom periodu, iz skladišta E...- E... Namještaja protivpravno prisvojili 16 komada ugradbenih frižidera, 19 komada ugradbenih mikrovalnih peći, 15 komada ugradbenih set pećnica sa platom, 6 komada pećnica Gorenje, 15 komada plata za kuhanje, 16 komada ugradbenih perilica Gorenje, 36 komada teleskopskih napa, 14 komada setova sudopera i česmi, ukupne vrijednosti od 57.649,00 KM, kao repromaterijal odnosno šarke, ručke, apoteke, vodilice, klizače i šarafe u iznosu većem od 20.000,00 KM, a koje pokretne stvari i repromaterijal su prodavali i samostalno ugrađivali kupcima mimo radnog vremena u E...- E... Namještaju i mimo znanja oštećenog O.E., pa je tako B.H. u navedenom vremenskom periodu M.D. prodao frižider marke „Gorenje“ jednu ploču s dvije ringle marke „Gorenje“, dvije nape marke „Gorenje“ za iznos od oko 500,00 KM, govoreći M.D. da su predmetne stvari vraćene iz Njemačke i da iste prodaje po dosta nižoj cijeni od stvarne vrijednosti, a T. S. u istom vremenskom periodu T.S.1 prodao mašinu za pranje suđa, dva keramička sudopera, dvije mikrovalne peći marke „Gorenje“, dvije nape marke „Gorenje“, mikrovalnu peć marke „Gorenje“ i ceran platu marke „Gorenje“, a koje stvari je T.S. ugradio u kuhinju M.J., za što joj nije dao ni račun ni garantne listove,

dakle, protivpravno prisvojili pokretne stvari koje su im bile povjerene na radu,

čime su počinili krivično djelo Pronevjera iz člana 316. stav 3. u vezi sa stavom 1. Krivičnog zakonika Republike Srpske, a sve u vezi sa članom 37. istog Zakonika.

OKRUŽNI JAVNI TUŽILAC

Napomena: „Podizanje optužnice protiv određene osobe ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom sudskom presudom ne utvrdi njegova krivica.